



**БҮСИЙН ОНОШИЛГОО ЭМЧИЛГЭЭНИЙ ТӨВИЙН
ГАЛЫН АЮУЛГҮЙ БАЙДЛЫН ЖУРАМ**

Хувилбарын дугаар:1
Хүчин төгөлдөр болсон огноо: 2023-10-25
Баримт бичгийн дугаар:01

Баримт бичгийг хариуцах нэгж	Нийт тасаг, нэгжүүд		
Баримт бичгийн нууцлалын зэрэглэл	Дотоод	Баримт бичгийн түвшин	3
	Овог нэр	Албан тушаал	Гарын үсэг
Боловсруулсан.	Ц.Лувсандамдин Б.Эрдэнэзул	ЭМТҮЧАБ Албаны дарга Хөдөлмөрийн аюулгүй байдал, орчны эрсдэлийн менежер	
Санал өгсөн	Д.Баянмөнх	Үйл ажиллагаа эрхэлсэн дэд захирал	
Хянаж баталсан	Г.Дашжанцан	БОЭТөвийн захирал	

Баримт бичгийн өөрчлөлтийн бүртгэл

Хувилбарын дугаар	Хүчин төгөлдөр болсон огноо	Өөрчлөлтийг батласан албан тушаалтан	Өөрчлөлтийн утга (баримт бичигт ямар өөрчлөлт орсонг товч тайлбарлана)
1			
2			
3			
4			
5			
6			

АГУУЛГА

1. НИЙТЛЭГ ҮНДЭСЛЭЛ	4
2. ХАМРАХ ХҮРЭЭ	4
3. НЭР ТОМЬЁО, ТОВЧИЛСОН ҮГ.....	4-5
4. АЖИЛ ОЛГОГЧИЙН ЭРХ	5
5. ТАСГИЙН ЭРХЛЭГЧ НАРЫН ҮҮРЭГ	5-6
6. ХАБ, ОРЧНЫ ЭРСДЭЛИЙН МЕНЕЖЕРИЙН ҮҮРЭГ.....	6
7. НИЙТ АЖИЛТНЫ ЭРХ ҮҮРЭГ.....	6-7
8. ТАВИГДАХ ШААРДЛАГА.....	7-8
9. ХҮЛЭЭХ ҮҮРЭГ ХАРИУЦЛАГА.....	8
10.ХАВСРАЛТ 1.....	9

ГАЛЫН АЮУЛГҮЙ БАЙДЛЫН ЖУРАМ

Нэг. Нийтлэг үндэслэл

Энэхүү журмын зорилт нь галын аюулгүй байдлыг хангах талаар нийт ажилтнуудын эрх үүрэг, тэдгээрийг хэрэгжүүлэхтэй холбогдсон харилцааг зохицуулахад оршино. Энэхүү журам нийт ажилтнуудад болон бүх тасгуудад хамааралтай болно.

Хоёр. Нэр томъёо тодорхойлолт

- ✓ "гал түймэр" гэж гал хараа хяналтаас гарч, хүний амь нас, эрүүл мэнд, хувь хүн, хуулийн этгээдийн эд хөрөнгө, байгаль орчин, нийгэмд хохирол учруулахыг;
- ✓ "гал түймэр унтраах" гэж гал түймрийн үед хүний амь насыг аврах, гал түймрийг унтраахын тулд тодорхой хүн хүч, техник хэрэгслээр тохирсон арга, хэлбэрийг ашиглан гүйцэтгэх үйл ажиллагааг;
- ✓ "гал түймэр унтраах удирдагч" гэж гал түймэр унтраах үйл ажиллагааг газар дээр нь удирдан зохион байгуулах гал түймэртэй тэмцэх мэргэжлийн алба хаагчийг;
- ✓ "галын аюулгүй байдал" гэж учирч болзошгүй гал түймрийн аюулаас хүний амь нас, эрүүл мэнд, эд хөрөнгө, байгаль орчин болон нийтийн ашиг сонирхлыг хамгаалсан байдлыг;
- ✓ "гал түймрээс хамгаалах тоног төхөөрөмж" гэж барилга байгууламж дахь гал түймрийг илрүүлэх, мэдээлэх, унтраах автомат тоног төхөөрөмж, утаа зайлуулах систем, гал унтраах усан хангамж, хүн нэг бүрийн болон нийтийн тусгай аврах хэрэгслийг;
- ✓ "галын аюулгүй байдлын норм, нормативын баримт бичиг" гэж галын аюулгүй байдлыг хангахтай холбоотой дүрэм, журам, заавар, норм, стандартыг;
- ✓ "гал түймрийн аюултай нөхцөл байдал" гэж гал түймэр гарсан тохиолдолд хүний амь нас, эрүүл мэнд, эд хөрөнгөд шууд аюул учруулах нөхцөл бүрдсэнийг;
- ✓ "гал түймэр гарсан тухай акт" гэж гал түймрийн улмаас хүний амь нас, эрүүл мэнд, эд хөрөнгөд хохирол учирсан болохыг нотолсон баримт бичгийг;
- ✓ "гал түймэр гарсан тухай тэмдэглэл" гэж гал түймрийн улмаас хүний амь нас, эрүүл мэнд, эд хөрөнгөд хохирол учраагүй болохыг тодорхойлсон баримт бичгийг;
- ✓ "гал түймрийн аюулын үнэлгээ" гэж барилга байгууламжийн ангилал, зураг төсөл, хийц, бүтээц, үйлдвэрлэлийн технологи, гал түймрээс хамгаалах тоног төхөөрөмжийн зориулалт, ашиглалт нь норм, нормативын шаардлагад нийцэж байгаа эсэх, гал түймрээс учирч болзошгүй хохирлын хэмжээг тодорхойлж үнэлэхийг;
- ✓ "гал түймрээс хамгаалах үйлчилгээ" гэж гал түймрээс хамгаалах тоног төхөөрөмжийн бэлэн байдлыг хангах, гал түймрээс хамгаалах нэмэлт арга

хэмжээ авах, гал түймэртэй тэмцэх хэсэг, гал түймэртэй тэмцэх гэрээт анги, хяналтын нэгж ажиллуулахыг;

- ✓ "галын аюултай бүтээгдэхүүн" гэж галын эх үүсвэрээс болон химийн урвалын үйлчлэлээр хялбар авалцан асах, хорт хий, утаа ялгаруулах, тэсэрч дэлбэрэх аюултай бодис, материалыг;
- ✓ "томилгоот бүрэлдэхүүн" гэж гал түймэр унтраах зориулалтын автомашин, багаж хэрэгсэлтэйгээр 24 цагаар үүрэг гүйцэтгэх гал түймэр унтраах аврах ангийн салааны захирагч, тасгийн захирагч, галын автомашины жолооч, гал сөнөөгч, дуудлага хүлээн авагч зэрэг мэргэжлийн алба хаагчдыг;
- ✓ "объектын гал түймэр" гэж бүх төрлийн өмчийн хэлбэрийн барилга байгууламж, эд хөрөнгө, тоног төхөөрөмжид гарсан гал түймрийг;
- ✓ "ой, хээрийн гал түймэр" гэж ой болон хээрийн бүсэд шатамхай ургамлаар дамжин гал хяналтгүй тархахыг хэлнэ.

Гурав. Галын аюулгүй байдлыг хангах талаар ажил олгогчийн эрх

1. Галын аюулгүй байдлыг хангах зорилгоор холбогдох төрийн болон төрийн бус байгууллага, хуулийн этгээдээс арга зүйн туслалцаа зааварчилгаа, зөвлөгөө авах (Онцгой байдлын газар, МУЗН гэх мэт)
2. Галын аюулаас урьдчилан сэргийлэр арга хэмжээг зохион байгуулах
3. Гал түймрийн аюулын үнэлгээг бүх ажлын байр, тасаг, нэгж, барилга байгууламж, тоног төхөөрөмжүүдэд хийлгэх
4. Барилга, байгууламжийн объект тус бүр нь галын аюулгүй байдал, галын аюулаас хамгаалах тоног төхөөрөмжийн техникийн үйлчилгээг мэргэжлийн байгууллагаар гүйцэтгүүлэх дүгнэлт гаргуулах

Дөрөв. Галын аюулгүй байдлыг хангах талаар ажил олгогч нь дараах үүрэгтэй.

1. Холбогдох хууль тогтоомж, галын аюулгүй байдлын норм, нормативын баримт бичгийн шаардлагыг биелүүлэх, галын аюулгүй байдлыг хариуцсан албан тушаалтныг томилох
2. Байгууллагын галын аюулгүй байдлыг хариуцан хангах, шаардагдах зардлыг жил бүрийн төсөвт тусгах
3. Галын аюулгүй байдлын журмыг баталж, гал түймэр унтраах шуурхай арга хэмжээний төлөвлөгөөг батлах, хэрэгжилтийг хангуулах
4. Барилга байгууламж, үйл ажиллагаанд хэрэглэгдэх бодис, материалын гал түймрийн аюулын зэрэглэлийг баталгаажуулах
5. Байгууллагын галын дүгнэлтийг мэргэжлийн байгууллагаар гаргуулах

Тав. Галын аюулгүй байдлыг хангах талаар тасгийн эрхлэгч нар дараах үүргийг хүлээнэ.

1. Тасгийн барилга, байгууламжийг шинээр барих, өргөтгөх, хийц бүтээц, зориулалтыг өөрчлөх, гал түймрээс хамгаалах тоног төхөөрөмж суурилуулах, цахилгааны эх үүсвэрийн шугам сүлжээг шинэчлэхдээ

эрх бүхий хуулийн этгээдээр галын аюулгүй байдлын магадлал хийлгэсэн зураг төслийг баримтлах

2. Тасгийн нийт ажилтнуудыг гал түймрээс урьдчилан сэргийлэх, авран хамгаалах, гал түймэр унтраах арга ажиллагаанд сургах, мэдлэгийг дээшлүүлэх арга хэмжээг авч хэрэгжүүлэх
3. Гал түймэр унтраах үйл ажиллагаанд шуурхай дэмжлэг, туслалцаа үзүүлэх
4. Гал түймрээс хамгаалах тоног төхөрөмж, анхан шатны багаж хэрэгсэл, бодис, материал зэрэгт техникийн үйлчилгээ хийж, ашиглалтын бэлэн байдлыг бүрэн хангах
5. Гал түймрийн улмаас тасагт учирсан хохирлын хэмжээг эрх бүхий үнэлгээний байгууллагаар тогтоолгох
6. Гал түймрийн үед ажлын байрнаас дүрвэн гарах нөөц хаалганы байршил, гал унтраах хэрэгсэл, хяналтын камер, дохиоллын систем, автомат гал унтраах систем багаж, хэрэгслийг ажиллуулах талаар ажилтнуудад зааж сургах сургуулилтыг тогтмол хийсэн байна.

Зургаа. Галын аюулгүй байдлыг хангах талаар хөдөлмөрийн аюулгүй байдал, орчны эрсдэлийн менежер дараах үүргийг хүлээнэ.

1. Галын аюулаас урьдчилан сэргийлэх бүх арга хэмжээг хэрэгжүүлэх
2. Нийт тасгуудаас байгууламж, тоног төхөөрөмжүүдийн галын аюулгүй байдлын норм, нормативын шаардлагыг хангах гал унтраах хэрэгсэл, дохио санамж, материал, хэрэгслийн хэрэгцээг жил бүр үнэн зөв тооцож гаргуулан авч нэгтгэн албаны нэгдсэн төлөвлөгөөнд тусгуулах
3. Галын аюулгүй байдлын жилийн ажлын төлөвлөгөө батлуулж мөрдөж ажиллах
4. Барилга, байгууламж объект тус бүрийн галын аюулгүй байдал, гал түймрээс хамгаалах автомат тоног төхөөрөмж, галын анхан шатны багаж хэрэгсэл, гал унтраах хэрэгсэл, дохио санамж, материал галын аюулгүй байдлын норм нормативын шаардлагыг хангаж байгааг шалгах хуудсаар хяналт хийх (Хавсралт 1)
5. Тасгуудын гал унтраах хэрэгслийг САЗ-тай хамтран сар бүр сэгсэрч хөдөлгөн баталгаажуулах
6. Галын аюултай бүтээгдэхүүн, гал түймрээс хамгаалах (хяналтын камер, дохиоллын систем, автомат гал унтраах систем) тоног төхөөрөмжүүдийн бэлэн байдалд хяналт тавин хариуцсан тасагтай нягт хамтран ажиллах, шаардлагатай тохиолдолд үйл ажиллагаа эрхэлсэн дэд захиралд бичгээр мэдэгдэнэ.

Долоо. Галын аюулгүй байдлыг хангах талаар нийт ажилтны эрх үүрэг

Галын аюулгүй байдлыг хангах талаар ажилтны эрх

1. Гал түймэр гарсан үед амь нас, эрүүл мэнд, эд хөрөнгөө хамгаалуулах, гал түймрийн шалтгаан нөхцлийг тогтооход биечлэн оролцох
2. Гал түймэртэй холбогдолтой үнэн зөв мэдээ авах

3. Галын аюулгүй байдлын тухай хууль тогтоомж, зөрчсөн этгээдэд хариуцлага хүлээлгэхийг холбогдох байгууллагаас шаардах

4. Галын түймэртэй тэмцэх сайн дурын хэсэгт ажиллах

Галын аюулгүй байдлыг хангах талаар ажилтны үүрэг

1. Галын аюулгүй байлын тухай хууль тогтоомжийг сахин биелүүлэх

2. Тасгийн ажлын байранд гал түймэр гарч байгаа тохиолдолд Өвөрхангай аймгийн онцгой байдлын газарт 7032102 дугаарт дуудлага өгөх,

3. Галын аюулгүй байдлыг бүрэн хангаж, холбогдох хууль тогтоомж, галын аюулгүй байдлын норм, нормативын баримт бичгийн шаардлагыг сахин биелүүлэх;

4. Гал түймрээс урьдчилан сэргийлэх, авран хамгаалах, унтраах үйл ажиллагаанд бололцоотой дэмжлэг, туслалцаа үзүүлэх;

5. Гал түймэр гарч болзошгүй зөрчил, дутагдлыг холбогдох байгууллагад шуурхай мэдээлэх;

Найм. Галын аюулгүй байдлын талаар тавигдах шаардлага

Галын аюулаас урьдчилан сэргийлэх талаар байгууллагын хэмжээнд дараах зүйлүүдийг зайлшгүй хийсэн байх шаардлагатай. Үүнд:

1. Барилга байгууламжуудын хийц бүтээцийн шийдэл нь гал түймэр гарсан тохиолдолд ажилтнуудын аюулгүй байдлыг хангахуйц, гал түймрийг бага хохиролтойгоор унтраах бололцоог хангасан байна.

2. Галын аюулаас урьдчилан сэргийлэх талаар байгууллагын жилийн үйл ажиллагааны төлөвлөгөөнд тусгасан байна.

3. Гал түймэр унтраах шуурхай төлөвлөгөөг болосвруулан эрх бүхий этгээдээр баталгаажуулж, ажилтнуудад сургалт хийсэн байна.

4. Барилга байгууламжуудыг гал түймэр унтраах анхан шатны багаж хэрэгслээр хангасан байна. Анхан шатны багаж хэрэгслийг өөр зориулалтаар ашиглахыг хориглоно.

5. Гал түймэр гарсан үед барилга байгууламжаас дүрвэн гарах схемийг урьдчилан боловсруулж нийтэд харагдахуйц газарт байрлуулсан байх ба шаардлагатай байгууламжууд дээр аваарын гэрлэн зохиолол, дүрвэн гарах чиглэлийг заах тэмдэг тэмдэглэгээг байршуулсан байна.

6. Гал түймрээс хамгаалах тоног төхөөрөмжийн бэлэн байдлыг хангаж, ажилтнуудыг сургаж дадлагацуулсан байна.

7. Ажлын байруудад гал унтраахад зориулсан зориулалтын гал унтраах хэрэгсэл, багаж хэрэгслийг байрлуулсан байна.

8. Галын аюулаас урьдчилан сэргийлж барилга байгууламж, өрөө тасалгаа бүрт цахилгаан хэрэгслийг хэрхэн ашиглах талаарх зөвлөмжийг байрлуулсан байна.

9. Албаны өрөө тасалгааны нөөц түлхүүрийг тусгай хайрцагт хийж лацдан жижүүр-манаачид хадгалуулж яаралтай тохиолдолд гаргаж хэрэглэнэ.

10. Ажилтнууд болон үйлчлүүлэгч нар тамхи татах цэгээс бусад газарт тамхи татахгүй байх, татсан тамхиныхаа галыг бүрэн унтрааж зориулалтын саванд хаядаг байна.

11. Ажлын цаг дуусмагц албан болон ахуйн хэрэглээний цахилгаан хэрэгслүүдийг эх үүсвэрээс нь салгаж гал түймэр гарахаас урьдчилан сэргийлэх арга хэмжээ авсан байна.

Ес. Хүлээх үүрэг хариуцлага

1. Ажил олгогч нь энэхүү журмын биелэлтэд хяналт тавьж ажиллана.
2. ЭМТҮЧАБАлба нь холбогдох журмын дагуу галын аюулгүй байдлын үзлэг шалгалтыг хийж шаардлагатай тохиолдолд дүгнэлт, зөвлөмжийг гаргана.
3. Энэхүү журмыг зөрчсөн этгээдэд Байгууллагын дотоод журам болон Галын аюулгүй байдлын тухай хуулийн дагуу хариуцлага тооцно.

Хавсралт 1

Галын аюулгүй байдлын шалгалтын хуудас

	Хэсэг		
	Тасаг		
	Барилга байгууламжийн нэр		
	Ажлын байр өрөө		
	Шалгалт хийсэн огноо		
№	Үзүүлэлтүүд	Иж бүрдэл	Гал унтраах хэрэгсэлийн төрөл загвар
1	Гал унтраах хэрэгсэл	Тоо ширхэг	
			Чанар байдлын тэмдэглэл
		Даралтын заалт	
		Шланг хошуу хэвийн эсэх	
		2 удаа сэгсэрсэн эсэх	
		Баталгаат хугацаа хүчинтэй эсэх	
		Лац тэмдэг бүтэн эсэх	
2	Гал түймрээс хамгаалах тоног төхөөрөмж	Дуут дохиолол	
		Гэрлэн дохиолол	
		Утаа мэдрэгч	
		Халуун мэдрэгч	
		Удирдлага	
3	Гал унтраах анхан шатны багаж хэрэгсэл	Хүрз	
		Галын дэгээ	
		Хувин	
		Сүх	
		Элстэй сав	
		Хөрөө	
		Царил	
		Жоотуу	
		Эсгий болон галд тэсвэртэй бүтээлэг	
		Галын гидрат, хошуу	
	Гал түймрийн үед дүрвэн гарах схем байгаа эсэх		
4	Шалгалтыг гүйцэтгэсэн ажилтны нэр		Албан тушаалын нэр
5	Гарын үсэг		

Тайлбар: даралтын заалтыг өнгөөр – улаан, шар, ногоон үсгээр бусад үзүүлэлтийг хэвийн байвал (+) хэвийн бус байвал (-) гэж тэмдэглэнэ.